



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XV

BROJ: 250

DATUM: 14.12.2018.GODINE



Usluge Saveza PRAVNO SAVJETOVALIŠTE:

Selma Fišek, viši saradnik za pravna
pitanja
fax: + 387 33 552 810
selma@sogfbih.ba

FINANSIJSKO SAVJETOVALIŠTE:

Gregor Jurišić, viši saradnik za
finansijska pitanja
Fax: + 387 33 552 810
gregor.jurisc@sogfbih.ba

Sadržaj biltena:

Održan 3. sastanak Mreže praktičara
za upravljanje lokalnim razvojem

Održana sjednica Komisije Skupštine
SOGFBiH za međunarodne veze,
saradnju i evropske integracije

U organizaciji RCDN održana radionica
"Monitoring i evaluacija"

Prijevreteni izbori za načelnike/
gradonačelnike devet gradova/općina
u BiH

Izabran Aldin Šljivo za v.d načelnika
Općine Kakanj

Učešće na radionici "Metadologija za
izračun indeksa razvijenosti jedinica
lokalne samouprave i kantona u BiH"

Općina Vojnić iz Hrvatske traži
partnera za saradnju na programu
INTERREG IPA CBC

Najava obilježavanja dana
općina/gradova za mjesec
novembar/ studeni

Bilten Saveza općina i gradova Federacije Bosne i Hercegovine

ODRŽAN 3. SASTANAK MREŽE PRAKTIČARA ZA UPRAVLJANJE LOKALNIM RAZVOJEM

U organizaciji Saveza općina i gradova Federacije Bosne i Hercegovine i Saveza opština i gradova Republike Srpske u četvrtak, 13. decembra/prosinac 2018. godine održan je sastanak Mreže praktičara za upravljanje lokalnim razvojem.

U ime saveza prisutnim se obratila g-đa Vesna Travljanin, direktorica Saveza općina i gradova FBiH istakavši bitnost tema i informacija za rad jedinica lokalne samouprave.

-Savezi će i u narednom periodu uz podršku interkomisijskih radni grupa, relevantnih komisija, vaših sugestija, kao i sugestija drugih partnera raditi na izradi plana aktivnosti mreža za 2019. godinu kako bi obogatili našu komunikaciju i pružili relevantnu informaciju vezanu za lokalni razvoj - istakla je direktorica Travljanin.

Raznovrsne teme kao što su: rezultati analize i preporuka za generiranje rashodivih ušteda i poboljšanje prihoda na osnovu dubinskog pregleda budžeta i finansijske prakse u 19 jedinica lokalne samouprave u BiH (pripremljenih u sklopu saradnje partnerskih JLS i Projekta LIR-Integriranog lokalnog razvoja), municipalne obveznice kao instrument mobiliziranja vanjskih izvora finansiranja lokalnih razvojnih prioriteta (stanje, iskustva i izazovi u JLS), kao i o stanju razvojnih strateških dokumenata JLS u BiH (stanje i izazovi na osnovu provedene ankete za 2017. godinu).

Osim Direktorice Travljanin i velikog broja predstavnika općina i gradova sastanku su se obratili Prof.dr. Velid Efendić, konsultant u sklopu projekta LIR, g-din Siniša Adžić, predstavnik Opštine Gradiška, g-din Hamzalija Hojkurić, predstavnik Općine Tešanj, g-din Mile Pejčić, predstavnik Grada Bijeljina, g-din Suad Rošić, predstavnik Grada Cazina, predstavnice saveza g-đa Šejla Hasić i g-đa Sanja Krnić, te g-din Muamer Obarčanin predstavnik ILDP Projekta.



Sa 3. sastanka Mreže praktičara za upravljanje lokalnim razvojem

ODRŽANA SJEDNICA KOMISIJE SKUPŠTINE SOGFBiH ZA MEĐUNARODNE VEZE, SARADNJU I EVROPSKE INTEGRACIJE



U srijedu, 05. decembra/prosinca 2018. godine održana je sjednica Komisije Skupštine Saveza općina i gradova Federacije Bosne i Hercegovine za međunarodne veze, saradnju i evropske integracije. Posebna pažnja posvećena je razmatranju Plana unapređenja aktivnosti Saveza općina i gradova FBiH u oblasti evropskih integracija. Istaknuto je da je oblast evropskih integracija sastavni dio Strategije Saveza općina i gradova FBiH za period od 2015.-2022. godine. Planom aktivnosti predviđeno je formiranje Radne grupe za evropske integracije, izrada Studije utjecaja EU i Mape puta, organizovanje obuka/treninga iz oblasti evropskih integracija, kao i potreba uspostavljanja instrumenta finansijske podrške jedinicama lokalne samouprave u procesu pripreme i provođenja projekata finansiranih od strane EU.

Na komisiji je između ostalog podnesen izvještaj o sastanku sa delegacijom Kongresa lokalnih i regionalnih vlasti Vijeća Evrope održanog 20. novembra/studenog 2018. godine, kao i Izvještaj predstavnika Saveza sa Skupštine Kongresa lokalnih i regionalnih vlasti održane od 06. do 08. novembra/studenog tekuće godine.

Sjednici Komisije prisustvovali su i predstavnici Direkcije za evropske integracije (DEI) koji su izvjestili prisutne o aktivnostima koje Direkcija za evropske integracije provodi u oblasti prekogranične saradnje, kao i aktivnostima zajedničkih monitoring komiteta BiH-Srbija, BiH-Crna Gora i Hrvatska-BiH-Crna Gora, u kojima Savez općina i gradova FBiH ima svoje predstavnike.



Sa Komisije Skupštine Saveza općina i gradova FBiH

U ORGANIZACIJI MREŽE RCDN ODRŽANA RADIONICA „MONITORING I EVALUACIJA“

U organizaciji RCDN (Regionalna mreža za razvoj kapaciteta usluga vodosnabdijevanja i odvodnje otpadnih voda) u Bijeljini je od 4. do 6. decembra/prosinca 2018. godine održana radionica pod nazivom „Monitoring i evaluacija“. U ime Saveza općina i gradova Federacije Bosne i Hercegovine u radu radionice učestvovao je Edin Demirović, kao kontakt osoba za projekat.

Cilj radionice je unapređenje sposobnosti za operativno planiranje, praćenje i procjenu realizacije obuka. Na kraju obuke učesnici su upoznati sa metodologijom izrade operativnih planova i izvještavanja. Projekat RCDN ima za cilj ojačati kapacitete udruženja komunalnih preduzeća i asocijacija lokalnih vlasti u oblasti pružanju boljih usluga i jačanja trening centara. U projekat su uključene asocijacije lokalnih vlasti i udruženja komunalne privrede iz sljedećih država: Bosna i Hercegovina, Crna Gora, Makedonija, Kosovo, Albanija i Srbija.

Projekat zajednički finansiraju Švajcarski državni sekretarijat za ekonomska pitanja (SECO) i Njemačko savezno ministarstvo za ekonomsku saradnju i razvoj (BMZ), a administrativno se realizira kroz GIZ projekat "Otvoreni regionalni fond za jugoistočnu Evropu - modernizacija općinskih usluga (ORF MMS)".



Sa Radionice "Monitoring i evaluacija u Bijeljini"



PRIJEVREMENI IZBORI ZA GRADONAČELNIKE/NAČELNIKE DEVET OPĆINA/ GRADOVA U BIH



Centralna izborna komisija Bosne i Hercegovine (CIK) je na sjednici održanoj 10. decembra/prosinca 2018. godine donijela Odluku o raspisivanju i održavanju prijevremenih izbora za gradonačelnika Grada Doboja, gradonačelnika Grada Trebinje, načelnika Općine Bosanski Petrovac, načelnika Općine Bosansko Grahovo, načelnika Općine Bužim, načelnika Općine Domaljevac-Šamac, načelnika Općine Drvar, načelnika Općine Kakanj i načelnika Općine Ribnik.

Prijevremeni izbori za gradonačelnike/načelnike devet općina/gradova održat će se 17. februara/veljače 2019. godine. Usvojeno je i uputstvo o rokovima izbornih aktivnosti prema kojem prijave za ovjeru političkih stranaka i nezavisnih kandidata podnose CIK-u najkasnije u roku od sedam dana od raspisivanja izbora (11. decembar/prosinac - 17. decembar/prosinac 2018. godine) najkasnije do 16:00 sati.

Izabran Aldin Šljivo za v.d. načelnika Općine Kakanj

Nakon ostavke Nermina Mandre, sada već bivšeg načelnika Općine Kakanj na jučerašnjoj sjednici Općinskog vijeća Kakanj, održanoj 29. novembra/studenog 2018. godine, Odlukom o izboru vršioca dužnosti Općinskog načelnika izabran je g-din Aldin Šljivo, dosadašnji direktor Javne ustanove Kulturno-sportski centar Kakanj.

Ovom prilikom direktorica Saveza općina i gradova Federacije Bosne i Hercegovine g-đa Vesna Travljanin je u svoje lično ime i u ime Saveza uputila čestitku novoizabranom v. d. načelniku u kojoj između ostalog stoji: „Općina Kakanj je u dosadašnjem radu sa Savezom općina i gradova FBiH bila uvijek aktivna članica, te se nadamo da će se naša uspješna saradnja i u budućnosti nastaviti“, te je poželjela g- dinu Šljivi mnogo sreće u radu i životu.

G-din Aldin Šljivo je rođen 30. novembra 1987. godine u Zenici. Osnovnu i srednju školu završio je u Kaknju, a Ekonomski fakultet u Zenici. Profesionalnu karijeru počinje u GTUD „DELLA“ d.o.o. Kakanj gdje je radio kao pripravnik, a potom i kao referent i rukovodilac ekonomskih poslova. Na funkciju direktora Javne ustanove Kulturno-sportski centar Kakanj imenovan je 2015. godine. Treba istaći da je g-din Šljivo aktuelni vijećnik u Općinskom vijeću Kakanj.



Grb Općine Kakanj



Načelnik općine Kakanj

UČEŠĆE NA RADIONICI „METODOLOGIJA ZA IZRAČUN INDEKSA RAZVIJENOSTI JEDINICA LOKALNE SAMOUPRAVE I KANTONA U FBiH“

Gledajte Savez općina i gradova
Federacije Bosne i Hercegovine na



U organizaciji Federalnog zavoda za programiranje razvoja, u ponedjeljak, 03. decembra/prosinca 2018. godine održana je radionica pod nazivom „Metodologija za izračun indeksa razvijenosti jedinica lokalne samouprave i kantona u Federaciji Bosne i Hercegovine“.

Radionicu je vodio g-din prof. dr. Muamer Halilbašić, direktor Ekonomskog instituta Sarajevo, gdje je prisustvovao i g-din Nermin Fakić, predstavnik Saveza općina i gradova Federacije Bosne i Hercegovine. Na radionici je napravljen osvrt na postojeću metodologiju i analizu dostupnih pokazatelja utvrđivanja indeksa razvijenosti u FBiH, te je napravljen prijedlog nove metodologije za utvrđivanje nivoa razvijenosti jedinica lokalne samouprave i kantona u FBiH.

OPĆINA VOJNIĆ IZ HRVATSKE TRAZI PARTNERA ZA SARADNJU NA PROGRAMU INTERREG IPA CBC (Hrvatska-Bosna i Hercegovina-Crna Gora)

Oblast saradnje/ Zaštita okoliša - Sprečavanju šteta od divljih svinja na način da se definiira vrsta kukuruza koju svinje manje uništavaju

Nadležni iz općine Vojnić izrazili su želju za uspostavljanjem partnerskog odnosa sa nekom od općina Federacije Bosne i Hercegovine na projektu iz prioriteta 2. Zaštite okoliša i prirode. Projekat bi se bazirao na sprečavanju šteta od divljih svinja na način da se definiira vrsta kukuruza koju svinje manje uništavaju. Cilj projekta bi bilo smanjenje šteta od divljih svinja na ratarskim kulturama.

Za dodatna pitanja slobodno se obratite načelniku Općine Vojnić putem elektronske pošte nacelnikvojnic@outlook.com

Općine sa područja Federacije Bosne i Hercegovine, koje se nalazi na prihvatljivom području iz poziva su: Teočak, Tuzla, Lukavac, Čelić, Srebrenik, Gračanica, Doboju Istok, Gradačac, Orašje, Domaljevac-Šamac, Odžak, Srebrenica, Kladanj, Kalesija, Banovići, Živinice, Sapna, Sanski Most, Ključ, Glamoč, Bosansko Grahovo, Drvar, Bosanski Petrovac, Bosanska Krupa, Bužim, Velika Kladuša, Cazin, Bihać, Doboju, Derventa, Prozor/Rama, Konjic, Nevesinje, Ravno, Mostar, Jablanica, Kupres, Tomislavgrad, Posušje, Široki Brijeg, Čitluk, Stolac, Neum, Čapljina, Ljubuški, Grude, Livno, Doboju Jug, Kakani, Maglaj, Tešanj, Usora, Zavidovići, Zenica, Žepče, Bugojno, Busovača, Donji Vakuf, Gornji Vakuf-Uskoplje, Novi Travnik, Travnik, Vitez i Teslić.





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC FEBRUAR / VELJAČA

-08. februar/veljača - Dan Općine Odžak. Tog dana 1996. godine prvi povratnici predvođeni policijskim snagama vraćaju se u svoje domove.

-14. februar/veljača - Dan Grada Mostara. Na taj dan 1945. godine se 26. dalmatinska divizija ušla u Mostar. Nešto kasnije do grada su se probile i 19. dalmatinska i 29. hercegovačka divizija, a već oko 19 sati, na taj dan, gotovo sve njemačke i ustaške snage su napustile Mostara.

-20. februar/veljača - Dan Općine Bužim. Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.

-21. februar/veljača - Dan Općine Ljubuški. Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.

-22. februar/veljača - Dan Općine Jablanica i dan sjećanja na oslobođenje grada u Drugom svjetskom ratu

-22. februar/veljača - Dan Općine Jajce. Datum je ovo prvog pisanog pominjanja grada Jajca 1396. godine u Povelji iz dubrovačkog arhiva

-23. februar/veljača - Dan Općine Velika Kladuša. Ovaj datum je značajan kao sjećanje na prvo oslobođanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.

-26. februar/veljača - Dan Općine Bihać. Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.

-29. februar/veljača - Dan Općine Ilijaš. Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.

